

上謚曰章敬加徽號曰敬慎明惠治玄宮于廣州治西獻陵之右阜乾坐巽向之原葬以閏四月辛酉號曰禧陵衍後慶也后聰惠慈柔實出天賦與仁孝俱生以禮順偕長始於家純如也終於國穆如也惟德之行有摯壬自天之命復周之業多姜后脫珥之助既厚之德又篤其敬于以贊聖上中興之治之祚殆非人也而尚靳其施報殿于世二十

五春秋而止焉獨何埋耶不知其天也非天也吁何天之酷也忍也嗚

呼痛哉直提學金○辛巳憲府啓前事安老製命沛李壽餘不兄○夜艮方

巽方有赤氣○壬午憲府啓前事不兄○癸未憲府啓前事不兄○夜

東方有氣如火○甲申權知承文院副正字黃孝獻奇遵俱為弘文館

正字吏曹判書朴說啓曰尹有任已為館博士而黃孝獻奇遵皆是有

任妹夫則弘文館南行只四角而一家有其三焉雖無相避之例當垂

春秋館記事官之職則恐於事體未安請改上即改奇遵而以鄭應

為正字○國葬都監官負執義許遷將誌文謚冊文來啓曰今觀謚冊

內首言王若曰以下皆是王言而有自稱代邸龍興者似未安又誌文

內既曰上悲不自勝則可以盡哀慟之意而又曰神迷心亂罔知攸

措此非重喪而至於此極恐有後議又曰上哀慟特至御白衣素膳